

SAKSFRAMLEGG

Til:
Universitetsstyret

Møtedato:
30.11.2017

Sak:

Oppretting av bachelorprogram i paramedisin

Innstilling til vedtak:

1. Universitetsstyret godkjenn at *Bachelor i paramedisin* blir oppretta frå og med hausten 2018. Det helsevitskapelege fakultet bes om å følgje opp universitetsdirektøren sine merknadar.
2. Universitetsstyret ber Det helsevitskapelege fakultet om å gå i dialog med Nord universitet og Helse Nord med tanke på å få etablert ei felles plattform for samarbeid og utvikling av bachelorutdanningane i paramedisin/paramedic i Nord-Noreg. Styret føreset at dette blir gjort i god tid før det første kullet er uteksaminert i 2021.

Bakgrunn

Styret ved Det helsevitskapelege fakultet vedtok den 6.10.2017 å søkje universitetsdirektøren om å få opprette eit nytt bachelorprogram i paramedisin med første opptak hausten 2018 (*sjå vedlegg 2*). Forslaget til studieplan blei godkjent av fakultetsstyret i same møte (*sjå vedlegg 3*). Spørsmålet om oppretting av studietilbod innan ambulansefag på universitets- og høgskulenivå har på nasjonalt nivå vore drøfta sidan 2012. Ambulansetenesta blir i større grad enn tidlegare nytta i vurderingsoppdrag for legevaktsentralen og vakthavande lege. Nye krav i akuttmedisinfor skrifter vil gjere at det frå 1.5.2018 blir stilt krav om at operatørar av kommunale legevaktsentralar skal ha relevant helsefagleg utdanning på bachelornivå, nødvendig klinisk praksis og gjennomført tilleggso pplæring for arbeid som operatør¹.

Per i dag finst det tilbod om utdanning i ambulansefag på bachelornivå ved Høgskulen i Oslo og Akershus (frå 2014) og ved Nord universitet (frå 2017). UiT hadde opphaveleg ønske om å utvikle eit nytt bachelorprogram i ambulansefag i samarbeid med Nord universitet, men dette samarbeidet har ikkje blitt vidareført. Samstundes har Universitetssjukehuset Nord-Noreg (UNN) gitt UiT tilbakemelding om at dei har behov for at det blir oppretta eit slikt tilbod i Tromsø. Det helsevitskapelege fakultet meiner derfor at det ut frå tilbakemeldingane frå UNN og på grunn av dei nye kompetansekrava frå 2018, vil vere behov for å opprette eit tilbod innan ambulansefag i Tromsø. Universitetsstyret skal i denne saka ta stilling til om UiT skal opprette eit eige tilbod i paramedisin (ambulansefag) frå hausten 2018.

Kort beskriving av forslag til bachelorprogram i paramedisin

¹ Sjå Helsedirektoratet sine nettsider <https://helsedirektoratet.no/akuttmedisin/akuttmedisinfor skriften>

Studieprogrammet er på bachelornivå med eit omfang på 180 studiepoeng, og vil dekkje dei behova som ambulansepersonell vil ha i dagens helsevesen. Fakultetet planegg med ein opptakskapasitet på 25 studieplassar. Dette har samband med tilgang på praksisplassar. Fakultetet har også bedt om at det blir vurdert å etablere ei kvote for søkjarar frå Nord-Noreg. Når det gjeld finansiering av studieplassane er det i skrivande stund ikkje endeleg avklart korleis det er tenkt løyst i 2018. Fakultetet skriv i søknaden at dei legg opp til at studieplassane skal delfinansierast med midlar frå UNN. Programmet er foreslått oppretta som eit fulltids studium over tre år, og vil ved fullført grad kvalifisere til graden *Bachelor i paramedisin*. Graden gjev grunnlag for å søkje autorisasjon som ambulansearbeidar i Noreg. Studiet er organisert i 15 ulike fagemne, 30 rettleiande praksisveker og hospiteringspraksis. Praksisperiodar i ambulansefaget og annan spesialpraksis utgjer 45 av studiet sine 180 studiepoeng.

Studieprogrammet vil bli etablert ved Institutt for klinisk medisin (IKM) med et eige programstyre. Fagmiljøet vil vere tett knyta til akuttmedisinlærarane på instituttet og miljøet ved Akuttmedisinsk klinikk på UNN, særleg luftambulanse- og ambulanseavdelinga. Fakultetet gjer i søknaden greie for at fagmiljøet sin storleik er estimert til ca. 3,7 årsverk. Ei av stillingane skal ha hovudfunksjon som studieleiar. Fakultetet gjer vidare greie for at arbeidet med dokumentasjon av fagmiljøet sin samla storleik enno ikkje er fullstending, og at dei arbeidar vidare med å få tilsett dei nødvendige fagpersonane.

Kort om aktuelle krav

Ved oppretting av eit nytt studieprogram ved UiT er det fleire krav som må vere innfridd og vurdert når universitetsdirektøren skal fremje saken for styret. Dei viktigaste krava er fastsett gjennom KD si [studiekvalitetsforskrift](#) og NOKUT si [studietilsynsforskrift](#). Begge forskriftene har i si noverande form vore gjeldande frå februar 2017, og inneheld fleire skjerpa krav som for første gang er i bruk ved UiT i samband med oppretting av nye program for det komande studieåret.

Dei viktigaste forskriftskrava er knytt til:

1. Studieplanen for programmet, fagleg nivå og læringsutbyte.
2. Studentrekruttering, relevans og behov for den aktuelle kompetansen i samfunnet.
3. Fagmiljøet for programmet, den faglege programleinga og fagmiljøet sine dokumenterte resultat.

Ved oppretting av nye program vurderer universitetsdirektøren også om det finst finansiering for drift av programmet (enten innanfor dei eksisterande ramma, eller i form av nye studieplassar), og om programmet passer inn i UiT sin profil og strategi.

Universitetsdirektøren si overordna vurdering

Studieplanen verkar i all hovudsak å vere godt gjennomarbeida og fakultetet har både i søknaden og studieplanen gitt ei utførleg beskriving av læringsutbyttet for studiet (*sjå vedlegg 4*).

Fakultetet har gjort greie for at det er eit behov for studietilbodet i åra framover, men må sikre at dei som ein ønsker å rekruttere dekkjer dei opptakskrava som er fastsett. Det er også viktig at det gjerast grundigare analysar av det reelle rekrutteringsgrunnlaget innan paramedisin i Nord-Noreg dei kommande åra slik at det ikkje blir oppretta fleire studieplassar i landsdelen enn det er enn det finst kvalifiserte søkjarar til. Dette må skje i samarbeid med Helse Nord og Nord universitet.

Fakultetet vil både gjere bruk av etablerte fagmiljø og foreta nye tilsettingar for å få eit tilfredsstillande fagmiljø for programmet. Per no er det ikkje gjort greie for om det er eit stort nok

fagmiljø til å oppfylle NOKUT sine krav. Fakultetet vil derfor få frist til 1.2.2018 med å levere ein komplett fagmiljøtabell og ein rekrutteringsplan til universitetsdirektøren. Innan same frist må fakultetet også kunne gi ei tydelegare vurdering knyta til den faglige leiinga sine definerte ansvars- og arbeidsoppgåver m.m.

Programmet er strategisk forankra fordi det kan relaterast til mål i strategien om å utvikle kunnskap om mellom anna folkehelse og levekår i alle livet sine fasar.

Fakultetet har i søknaden tilrådd at det etablerast ei kvote for søkjarar frå Nord-Noreg på 50 prosent av studieplassane. Dette må avklarast i dialog mellom universitetsdirektøren og Kunnskapsdepartementet.

Fakultetet har i søknaden oppgitt at studieprogrammet dei første to åra skal finansierast i samarbeid med UNN. Universitetsdirektøren føreset at andre kostander som ikkje blir dekt av UNN blir teke innanfor fakultetet si eige ramme. Når det gjeld permanent finansiering av programmet har UiT søkt Kunnskapsdepartementet om 20 nye studieplassar til bachelor i ambulansearbeid utanfor ramma i sitt innspel til statsbudsjett for 2019. Per no er det uklart om UiT vil få tilsegn om midlar til desse plassane.

Universitetsdirektøren sine detaljerte vurderingar og merknader som må følges opp av fakultetet, er nærare omtalt i vedlegg 1 til denne saka.

Jørgen Fossland
konstituert universitetsdirektør

Heidi Adolfsen
studiedirektør

Dokumentet er elektronisk godkjent og krev ikkje signatur

Saksbehandlar: Jørund Jørgensen, Avdeling for utdanning

Vedlegg:

- 1 Universitetsdirektøren sine utfyllande vurderingar og merknadar
- 2 Søknadsbrev frå Det helsevitenskapelige fakultet
- 3 Studieplan
- 4 Fagmiljøtabell